


স্মারক নং- ৫৭.০০.০০০০.০৫৩.২২.০০১.১৮-০৩

তারিখঃ ২০ পৌষ, ১৪২৮ বঙ্গাব্দ
০৪ জানুয়ারি, ২০২২ খ্রিষ্টাব্দ

বিষয়ঃ বাংলাদেশ কারিগরি শিক্ষা বোর্ড কর্তৃক পরিচালিত সরকারি-বেসরকারি কারিগরি শিক্ষা প্রতিষ্ঠানে উচ্চ মাধ্যমিক ও ডিপ্লোমা পর্যায়ের শিক্ষাক্রমে ভর্তির জন্য অনুমোদিত “ভর্তি নীতিমালা-২০২১” প্রেরণ।

সূত্রঃ বাংলাদেশ কারিগরি শিক্ষা বোর্ডের ৩০ ডিসেম্বর, ২০২১ তারিখের ৫৭.১৭.০০০০.২০১.৯৯.০০৬-০১ সংখ্যক পত্র।

উপর্যুক্ত বিষয় ও সূত্রোক্ত পত্রের পরিপ্রেক্ষিতে বাংলাদেশ কারিগরি শিক্ষা বোর্ড কর্তৃক পরিচালিত সরকারি-বেসরকারি কারিগরি শিক্ষা প্রতিষ্ঠানে উচ্চ মাধ্যমিক ও ডিপ্লোমা পর্যায়ের শিক্ষাক্রমে ভর্তির জন্য অনুমোদিত “ভর্তি নীতিমালা-২০২১” পরবর্তী প্রয়োজনীয় ব্যবস্থা গ্রহণের জন্য নির্দেশক্রমে এতৎসঙ্গে প্রেরণ করা হলো।


(রোকসানা রহমান)
উপসচিব
ফোন: ৯৫৪৫৪৪৫

চেয়ারম্যান
বাংলাদেশ কারিগরি শিক্ষা বোর্ড
আগারগাঁও, ঢাকা।

সদয় জ্ঞাতার্থে ও কার্যার্থে অনুলিপি প্রেরণ করা হলো (জ্যেষ্ঠতার ক্রমানুসারে নয়):

১. মহাপরিচালক, কারিগরি শিক্ষা অধিদপ্তর, আগারগাঁও, ঢাকা।
২. অতিরিক্ত সচিব (কারিগরি অনুবিভাগ), কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
৩. অতিরিক্ত সচিব (কারিগরি অধিশাখা), কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
৪. মাননীয় মন্ত্রীর একান্ত সচিব, শিক্ষা মন্ত্রণালয়, বাংলাদেশ সচিবালয়, ঢাকা।
৫. মাননীয় উপমন্ত্রীর একান্ত সচিব, শিক্ষা মন্ত্রণালয়, বাংলাদেশ সচিবালয়, ঢাকা।
৬. চেয়ারম্যান, বাংলাদেশ কারিগরি শিক্ষা বোর্ড, আগারগাঁও, ঢাকা।
৭. সচিব মহোদয়ের একান্ত সচিব, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
৮. অফিস কপি।

গণপ্রজাতন্ত্রী বাংলাদেশ সরকার
কারিগরি ও মাদ্রাসা শিক্ষা বিভাগ
শিক্ষা মন্ত্রণালয়
অধিশাখাঃ কারিগরি-২
www.moedu.gov.bd

কারিগরি শিক্ষাক্ষেত্রে ভর্তি নীতিমালা-২০২১
[উচ্চমাধ্যমিক ও ডিপ্লোমা পর্যায়ের শিক্ষাক্রমের জন্য]

২০২১-২০২২ শিক্ষাবর্ষে ০৪ (চার) বছর মেয়াদি ডিপ্লোমা-ইন-ইঞ্জিনিয়ারিং, ডিপ্লোমা-ইন-টেক্সটাইল ইঞ্জিনিয়ারিং, ডিপ্লোমা-ইন-এগ্রিকালচার, ডিপ্লোমা-ইন-ফরেস্ট্রি, ডিপ্লোমা-ইন-ফিশারিজ, ডিপ্লোমা-ইন-লাইভস্টক এবং ০২ (দুই) বছর মেয়াদি এইচ.এস.সি (বিজনেস ম্যানেজমেন্ট অ্যান্ড টেকনোলজি), এইচ.এস.সি (ভোকেশনাল), ডিপ্লোমা-ইন-কমার্স ও সার্টিফিকেট-ইন-মেরিন ট্রেড কোর্সের জন্য নিম্নরূপ “ভর্তি নীতিমালা-২০২১” প্রণয়ন করা হলো।

১.০ সংজ্ঞা :


- ১.১ ‘বোর্ড’ বলতে বাংলাদেশ কারিগরি শিক্ষা বোর্ড বোঝাবে;
- ১.২ ‘কলেজ’ ও ‘ইনস্টিটিউট’ বলতে বাংলাদেশ কারিগরি শিক্ষা বোর্ড হতে পাঠদানের জন্য অনুমতিপ্রাপ্ত বা স্বীকৃতিপ্রাপ্ত কোন শিক্ষা প্রতিষ্ঠানকে বোঝাবে;
- ১.৩ ‘নির্ধারিত ফরম’ বলতে ভর্তির জন্য বোর্ড কর্তৃক নির্ধারিত আবেদন ফরম অর্থাৎ অনলাইনে প্রদর্শিত আবেদন ফরম বোঝাবে;
- ১.৪ ‘শিক্ষার্থী’/‘প্রার্থী’ বলতে ছাত্র ও ছাত্রী উভয়কেই বোঝাবে;
- ১.৫ ‘সক্ষমতা বৃদ্ধিমূলক কোর্স’ (Remedial Course) বলতে ডিপ্লোমা-ইন-ইঞ্জিনিয়ারিং ও ডিপ্লোমা-ইন-টেক্সটাইল ইঞ্জিনিয়ারিং শিক্ষাক্রমে ১ম পর্বে ভর্তিছু শিক্ষার্থী যারা সাধারণ শিক্ষা বোর্ড, মাদ্রাসা শিক্ষা বোর্ড এবং কারিগরি শিক্ষা বোর্ড হতে যথাক্রমে: বিজ্ঞান ও দাখিল (বিজ্ঞান), এসএসসি (ভোক:)/দাখিল (ভোক:) ব্যতীত অন্যান্য বিভাগ হতে এবং উন্মুক্ত বিশ্ববিদ্যালয় হতে এসএসসি/সমমান পরীক্ষায় পাস করেছেন সেসকল শিক্ষার্থীদের বিজ্ঞান ও গণিতে শিখনস্বল্পতা (Learning Gap) দূরীকরণের লক্ষ্যে বাংলাদেশ কারিগরি শিক্ষা বোর্ড কর্তৃক প্রণয়নকৃত কোর্সকে বোঝাবে ;
- ১.৬ “Non-Science” বলতে ডিপ্লোমা-ইন-ইঞ্জিনিয়ারিং ও ডিপ্লোমা-ইন-টেক্সটাইল ইঞ্জিনিয়ারিং শিক্ষাক্রমে ১ম পর্বে ভর্তিছু শিক্ষার্থী যারা সাধারণ শিক্ষা বোর্ড, মাদ্রাসা শিক্ষা বোর্ড এবং কারিগরি শিক্ষা বোর্ড হতে যথাক্রমে: বিজ্ঞান ও দাখিল (বিজ্ঞান), এসএসসি (ভোক:)/দাখিল (ভোক:) ব্যতীত অন্যান্য বিভাগ হতে এবং উন্মুক্ত বিশ্ববিদ্যালয় হতে এসএসসি/সমমান পরীক্ষায় পাস করেছেন সেসকল শিক্ষার্থীকে বোঝাবে।

-৫-

১৩

২.০ শিক্ষাক্রমভিত্তিক ভর্তির আবেদনের যোগ্যতা :

শিক্ষাক্রম	ভর্তির যোগ্যতা
<p>২.১ সরকারি প্রতিষ্ঠান (৪ বছর মেয়াদি ডিপ্লোমা) :</p> <p>২.১.১ ডিপ্লোমা-ইন-ইঞ্জিনিয়ারিং (১ম ও ২য় শিফট) টেকনোলজিসমূহঃ অটোমোবাইল, এয়ারক্রাফট মেইটেন্যান্স (এয়ারোস্পেস), এয়ারক্রাফট মেইটেন্যান্স (এভিয়োনিক্স), আর্কিটেকচার, সিরামিক্স, কেমিক্যাল, সিভিল, সিভিল (উড), কম্পিউটার সায়েন্স অ্যান্ড টেকনোলজি, কম্প্রাকশন, ইলেকট্রিক্যাল, ইলেক্ট্রোমেডিকেল, ইলেকট্রনিক্স, এনভায়রনমেন্টাল, ফুড, ফুটওয়্যার, গ্লাস, গ্রাফিক্স ডিজাইন, লেদার, লেদার প্রডাক্টস অ্যান্ড এক্সেসরিজ, মেরিন, মেকট্রনিক্স, মেকানিক্যাল, পাওয়ার, প্রিন্টিং, রেফ্রিজারেশন অ্যান্ড এয়ার কন্ডিশন, শিপ বিল্ডিং, সার্ভেয়িং ও টেলিকমিউনিকেশন।</p> <p>২.১.২ ডিপ্লোমা-ইন-টেক্সটাইল ইঞ্জিনিয়ারিং (১ম ও ২য় শিফট) স্পেশালাইজেশনসমূহঃ ওয়েট প্রসেসিং, ইয়ার্ন ম্যানুফেকচারিং, ফেব্রিক ম্যানুফেকচারিং, অ্যাপারেল ম্যানুফেকচারিং, জুট, টেক্সটাইল মেশিন ডিজাইন অ্যান্ড মেইটেন্যান্স, মার্চেন্টাইজিং অ্যান্ড মার্কেটিং ও ফ্যাশন ডিজাইন।</p>	<p>সকল শিক্ষা বোর্ড অথবা বাংলাদেশ উন্মুক্ত বিশ্ববিদ্যালয়ের অধীনে অনুষ্ঠিত এস.এস.সি/ দাখিল/ এস.এস.সি(ভোকেশনাল)/ দাখিল (ভোকেশনাল) / সমমানের পরীক্ষায় উত্তীর্ণ এবং ছাত্রদের ভর্তির ক্ষেত্রে সাধারণ গণিত বা উচ্চতর গণিতে জিপি ৩.০০ সহ কমপক্ষে জিপিএ ৩.৫০ এবং ছাত্রীদের ভর্তির ক্ষেত্রে সাধারণ গণিত বা উচ্চতর গণিতে জিপি ৩.০০ সহ কমপক্ষে জিপিএ ৩.০০ প্রাপ্ত শিক্ষার্থীরা অথবা 'ও' লেভেলে যেকোন একটি বিষয়ে, 'সি' গ্রেড এবং গণিতসহ অন্য যেকোন দুটি বিষয়ে ন্যূনতম 'ডি' গ্রেড পেয়ে যে কোন সালে উত্তীর্ণ শিক্ষার্থীরা ২০২১-২০২২ শিক্ষাবর্ষে ভর্তির জন্য আবেদন করতে পারবে। জিপিএ পদ্ধতি চালুর পূর্বে এস.এস.সি বা সমমান পরীক্ষায় ন্যূনতম ২য় বিভাগ প্রাপ্ত যে কোন সালে উত্তীর্ণ শিক্ষার্থী আবেদন করতে পারবে।</p> <p>উল্লেখ্য, সাধারণ, মাদ্রাসা এবং কারিগরি ও বৃত্তিমূলক শিক্ষাধারার যথাক্রমে: বিজ্ঞান, দাখিল (বিজ্ঞান) ও এস.এস.সি (ভোকেশনাল)/দাখিল (ভোকেশনাল) ব্যতীত অন্যান্য বিভাগের "Non-Science" শিক্ষার্থীদের বিজ্ঞান ও গণিতে শিখনস্বল্পতা (Learning Gap) দূরীকরণের লক্ষ্যে বাংলাদেশ কারিগরি শিক্ষা বোর্ড কর্তৃক প্রণয়নকৃত ০৬ (ছয়) সপ্তাহব্যাপী সক্ষমতা বৃদ্ধিমূলক কোর্স (Remedial Course) এর বিষয়বস্তুর উপর বোর্ড কর্তৃক অনুষ্ঠিত পরীক্ষায় উত্তীর্ণ শিক্ষার্থীরা নির্ধারিত জিপিএ থাকা সাপেক্ষে ডিপ্লোমা-ইন-ইঞ্জিনিয়ারিং ও ডিপ্লোমা-ইন-টেক্সটাইল ইঞ্জিনিয়ারিং শিক্ষাক্রমের ১ম পর্বে ভর্তির আবেদনের যোগ্য বলে বিবেচিত হবে। এ বিষয়ে বিস্তারিত বাংলাদেশ কারিগরি শিক্ষা বোর্ডের ওয়েবসাইটে (www.bteb.gov.bd) পাওয়া যাবে।</p>
<p>২.২ সরকারি প্রতিষ্ঠান (৪ বছর মেয়াদি ডিপ্লোমা) :</p> <p>২.২.১ ডিপ্লোমা-ইন-এগ্রিকালচার</p> <p>২.২.২ ডিপ্লোমা-ইন-ফরেস্ট্রি</p> <p>২.২.৩ ডিপ্লোমা-ইন-লাইভস্টক</p> <p>২.২.৪ ডিপ্লোমা-ইন-ফিসারিজ</p>	<p>সকল শিক্ষা বোর্ড অথবা বাংলাদেশ উন্মুক্ত বিশ্ববিদ্যালয়ের অধীনে অনুষ্ঠিত এস.এস.সি/ দাখিল/ এস.এস.সি (ভোকেশনাল) / দাখিল (ভোকেশনাল) / সমমানের পরীক্ষায় উত্তীর্ণ কমপক্ষে জিপিএ ২.৫০ প্রাপ্ত শিক্ষার্থীরা অথবা 'ও' লেভেলে যে কোন একটি বিষয়ে 'সি' গ্রেড ও অন্য যেকোন দুটি বিষয়ে ন্যূনতম 'ডি' গ্রেড পেয়ে উত্তীর্ণ যে কোন বয়সের শিক্ষার্থীরা ২০২১-২০২২ শিক্ষাবর্ষে ভর্তির জন্য আবেদন করতে পারবে। জিপিএ পদ্ধতি চালুর পূর্বে এস.এস.সি বা সমমান পরীক্ষায় ন্যূনতম ২য় বিভাগে উত্তীর্ণ যে কোন বয়সের শিক্ষার্থী আবেদন করতে পারবে। তবে ডিপ্লোমা-ইন-লাইভস্টক শিক্ষাক্রমের ক্ষেত্রে 'জীববিজ্ঞান' বিষয়ে জিপি ৩.০০ সহ বিজ্ঞান বিভাগ থেকে সম্প্রতি পাসকৃতদের অগ্রাধিকার দেয়া হবে এবং মোট জিপিএ এর ভিত্তিতে মেধা তালিকা করা হবে। এক্ষেত্রে সমান জিপিএ প্রাপ্তদের মেধাক্রম নির্ধারণের ক্ষেত্রে জীববিজ্ঞান বিষয়ে প্রাপ্ত জিপি বিবেচনা করা হবে।</p>

-ফ. 

শিক্ষাক্রম	ভর্তির যোগ্যতা
<p>২.৩ বেসরকারি প্রতিষ্ঠান (৪ বছর মেয়াদি ডিপ্লোমা) :</p> <p>২.৩.১ ডিপ্লোমা-ইন-ইঞ্জিনিয়ারিং <u>টেকনোলজিসমূহঃ</u> অটোমোবাইল, এয়ারক্রাফট মেইন্টেন্যান্স (এ্যারোস্পেস), এয়ারক্রাফট মেইন্টেন্যান্স (এভিয়োনিক্স), আর্কিটেকচার, আর্কিটেকচার অ্যান্ড ইন্টেরিয়র ডিজাইন, সিরামিক্স, কেমিক্যাল, সিভিল, সিভিল (উড), কম্পিউটার, কম্পিউটার সায়েন্স অ্যান্ড টেকনোলজি, কম্প্রাকশন, ডাটা টেলিকমিউনিকেশন অ্যান্ড নেটওয়ার্কিং, ইলেকট্রিক্যাল, ইলেকট্রো-মেডিকেল, ইলেকট্রনিক্স, এনভায়রনমেন্টাল, ফুড, ফুটওয়ার, গ্লাস, গ্রাফিক্স ডিজাইন, লেদার, লেদার প্রডাক্টস অ্যান্ড এক্সেসরিজ, মেরিন, মেকাট্রনিক্স, মেকানিক্যাল, পাওয়ার, প্রিন্টিং, রিফ্রিজারেশন অ্যান্ড এয়ার কন্ডিশন, শিপ বিল্ডিং, সার্ভেয়িং ও টেলিকমিউনিকেশন।</p> <p>২.৩.২ ডিপ্লোমা-ইন-টেক্সটাইল ইঞ্জিনিয়ারিং <u>স্পেশলাইজেশনসমূহঃ</u> ওয়েট প্রসেসিং, ইয়ার্ন ম্যানুফেকচারিং, ফেব্রিক ম্যানুফেকচারিং, অ্যাপারেল ম্যানুফেকচারিং, জুট, টেক্সটাইল মেশিন ডিজাইন অ্যান্ড মেইন্টেন্যান্স, মার্চেন্টাইজিং অ্যান্ড মার্কেটিং ও ফ্যাশন ডিজাইন।</p> <p>২.৩.৩ ডিপ্লোমা-ইন-এগ্রিকালচার ২.৩.৪ ডিপ্লোমা-ইন-ফিসারিজ</p>	<p>সকল শিক্ষা বোর্ড অথবা বাংলাদেশ উন্মুক্ত বিশ্ববিদ্যালয়ের অধীনে অনুষ্ঠিত এস.এস.সি/ দাখিল /এস.এস.সি (ভোকেশনাল)/ দাখিল (ভোকেশনাল) / সমমানের পরীক্ষায় উত্তীর্ণ শিক্ষার্থীরা কমপক্ষে জিপিএ ২.০০ প্রাপ্ত শিক্ষার্থীরা অথবা 'ও' লেভেল উত্তীর্ণ যে কোন বয়সের শিক্ষার্থীরা ২০২১-২০২২ শিক্ষাবর্ষে ভর্তির জন্য আবেদন করতে পারবে। জিপিএ পদ্ধতি চালুর পূর্বে এস.এস.সি বা সমমান পরীক্ষায় ন্যূনতম ২য় বিভাগে যে কোন সালে উত্তীর্ণ শিক্ষার্থী আবেদন করতে পারবে।</p> <p>উল্লেখ্য, সাধারণ, মাদ্রাসা এবং কারিগরি ও বৃত্তিমূলক শিক্ষাধারার যথাক্রমে: বিজ্ঞান, দাখিল (বিজ্ঞান) ও এস.এস.সি (ভোকঃ)/দাখিল (ভোকঃ) ব্যতীত অন্যান্য বিভাগের “Non- Science” শিক্ষার্থীদের বিজ্ঞান ও গণিতে শিখনস্বল্পতা (Learning Gap) দূরীকরণের লক্ষ্যে ০৬ (ছয়) সপ্তাহব্যাপী সক্ষমতা বৃদ্ধিমূলক কোর্স (Remedial Course) এর বিষয়বস্তুর উপর বোর্ড কর্তৃক অনুষ্ঠিত পরীক্ষায় উত্তীর্ণ হওয়া শিক্ষার্থীরা নির্ধারিত জিপিএ থাকা সাপেক্ষে ডিপ্লোমা-ইন-ইঞ্জিনিয়ারিং ও ডিপ্লোমা-ইন-টেক্সটাইল ইঞ্জিনিয়ারিং শিক্ষাক্রমের ১ম পর্বে ভর্তির আবেদনের যোগ্য বলে বিবেচিত হবে। এ বিষয়ে বিস্তারিত বাংলাদেশ কারিগরি শিক্ষা বোর্ডের ওয়েবসাইটে (www.bteb.gov.bd) পাওয়া যাবে।</p>
<p>২.৪ সরকারি প্রতিষ্ঠান (২ বছর মেয়াদি) :</p> <p>২.৪.১ এইচ.এস.সি (ভোকেশনাল) : <u>ট্রেডসমূহ :</u> এগ্রোমেশিনারী, অটোমোবাইল, বিল্ডিং কম্প্রাকশন অ্যান্ড মেইন্টেন্যান্স, ক্রোডিং অ্যান্ড গার্মেন্টস ফিনিশিং, কম্পিউটার অপারেশন অ্যান্ড মেইন্টেন্যান্স, ডাফটিং অ্যান্ড সিভিল, ইলেকট্রিক্যাল ওয়ার্কস অ্যান্ড মেইন্টেন্যান্স, ইলেকট্রনিক কন্ট্রোল অ্যান্ড কমিউনিকেশন, ফিস কালচার অ্যান্ড ব্রিডিং, মেশিন টুল অপারেশন অ্যান্ড মেইন্টেন্যান্স, পোল্ট্রি রিয়ারিং অ্যান্ড ফার্মিং, রিফ্রিজারেশন অ্যান্ড এয়ারকন্ডিশনিং, ওয়েল্ডিং অ্যান্ড ফেব্রিকেশন ও উড অ্যান্ড ডিজাইন।</p>	<p>এস.এস.সি (ভোকেশনাল)/ দাখিল (ভোকেশনাল) পরীক্ষায় যে কোন সালে উত্তীর্ণ শিক্ষার্থীরা ক্লাস্টারভিত্তিক (পেরিশিট-১) ভর্তির জন্য আবেদন করতে পারবে।</p>
<p>২.৫ সরকারি প্রতিষ্ঠান (২ বছর মেয়াদি) :</p> <p>২.৫.১ এইচ.এস.সি (বিজনেস ম্যানেজমেন্ট অ্যান্ড টেকনোলজি): <u>স্পেশলাইজেশনসমূহ :</u> কম্পিউটারাইজড একাউন্টিং সিস্টেম, ফাইন্যান্সিয়াল প্রাকটিসেস, ডিজিটাল টেকনোলজি- ইন-বিজনেস, ই-বিজনেস ও হিউম্যান রিসোর্স ডেভেলপমেন্ট।</p>	<p>দেশের সকল শিক্ষা বোর্ড/উন্মুক্ত বিশ্ববিদ্যালয় হতে এস.এস.সি /এস.এস.সি (ভোকেশনাল) দাখিল/দাখিল (ভোকেশনাল)/ সমমানের পরীক্ষায় যে কোন সালে উত্তীর্ণ শিক্ষার্থীরা ভর্তির জন্য আবেদন করতে পারবে।</p>

- ফ

০০০

শিক্ষাক্রম	ভর্তির যোগ্যতা
<p>২.৬ বেসরকারি প্রতিষ্ঠান (২ বছর মেয়াদি) :</p> <p>২.৬.১ এইচ.এস.সি (বিজনেস ম্যানেজমেন্ট অ্যান্ড টেকনোলজি):</p> <p>স্পেশালাইজেশনসমূহ : কম্পিউটারাইজড একাউন্টিং সিস্টেম, ফাইন্যান্সিয়াল প্রাকটিসেস, ডিজিটাল টেকনোলজি- ইন-বিজনেস, ই-বিজনেস ও হিউম্যান রিসোর্স ডেভেলপমেন্ট।</p> <p>২.৬.২ ডিপ্লোমা-ইন-কমার্স :</p> <p>স্পেশালাইজেশনসমূহ: হিসাব রক্ষণ ও শর্টহ্যান্ড।</p>	<p>দেশের সকল শিক্ষা বোর্ড/উন্মুক্ত বিশ্ববিদ্যালয় হতে এস.এস.সি /এস.এস.সি (ভোকেশনাল) দাখিল/দাখিল (ভোকেশনাল)/ সমমানের পরীক্ষায় যে কোন সালে উত্তীর্ণ শিক্ষার্থীরা ভর্তির জন্য আবেদন করতে পারবে।</p>
<p>২.৭ সরকারি প্রতিষ্ঠান (২ বছর মেয়াদি) :</p> <p>২.৭.১ সার্টিফিকেট-ইন-মেরিন ড্রেড :</p> <p>টেকনোলজি/ট্রেডসমূহ : মেরিন ডিজেল ইঞ্জিন আর্টিফিসার, শিপ ফেরিকেশন, শিপ বিল্ডিং, ওয়েল্ডিং, শিপ বিল্ডিং অ্যান্ড মেকানিক্যাল ড্রাফটিং।</p>	<p>দেশের যে কোন শিক্ষা বোর্ড হতে এস.এস.সি /এস.এস.সি (ভোকেশনাল)/দাখিল (ভোকেশনাল)/দাখিল/সমমানের পরীক্ষায় যে কোন সালে উত্তীর্ণ এবং সাধারণ গণিত বা উচ্চতর গণিতে জিপি ২.৫০ সহ কমপক্ষে জিপিএ ২.৫০ প্রাপ্ত শিক্ষার্থীরা ভর্তির জন্য আবেদন করতে পারবে।</p>
<p>* 'ও' লেভেল থেকে পাসকৃত শিক্ষার্থীদের প্রাপ্ত জিপিএ ঢাকা শিক্ষা বোর্ড থেকে এস.এস.সি পাসকৃত শিক্ষার্থীদের সাথে সমমান সনদ গ্রহণপূর্বক বাংলাদেশ কারিগরি শিক্ষা বোর্ডে জমাদান সাপেক্ষে অনলাইনে আবেদন করতে পারবে।</p>	

৩.০ ভর্তি কার্যক্রমের সময়সূচি :

প্রতিষ্ঠানের ধরণ	শিক্ষাক্রম	ভর্তি কার্যক্রমের সময়সীমা	ক্লাশ আরম্ভ (সম্ভাব্য তারিখ)
সরকারি	ডিপ্লোমা-ইন-ইঞ্জিনিয়ারিং (১ম ও ২য় শিফট) ডিপ্লোমা-ইন-টেক্সটাইল ইঞ্জিনিয়ারিং ডিপ্লোমা-ইন-এগ্রিকালচার ডিপ্লোমা-ইন-ফিসারিজ ডিপ্লোমা-ইন-ফরেস্ট্রি ডিপ্লোমা-ইন-লাইভস্টক ২ বছর মেয়াদি সার্টিফিকেট-ইন-মেরিন ড্রেড	ভর্তির সকল কার্যক্রম ০৮/০১/২০২২ খ্রিঃ থেকে শুরু করে ১২/০৩/২০২২খ্রিঃ তারিখের মধ্যে সম্পন্ন করতে হবে। তবে আসন শূন্যতা বিবেচনায় অপেক্ষমান তালিকা থেকে মেধাক্রম অনুযায়ী ভর্তির লক্ষ্যে সময়সীমা বোর্ড কর্তৃক বর্ধিত করা যাবে এবং তা অবশ্যই রেজিস্ট্রেশনের পূর্বে হতে হবে। বোর্ড কর্তৃক নির্ধারিত সময়ের মধ্যে রেজিস্ট্রেশনের কাজ সম্পন্ন করা হবে।	০২/০৪/২০২২ শনিবার
বেসরকারি	ডিপ্লোমা-ইন-ইঞ্জিনিয়ারিং ডিপ্লোমা-ইন-টেক্সটাইল ইঞ্জিনিয়ারিং ডিপ্লোমা-ইন-এগ্রিকালচার ডিপ্লোমা-ইন-ফিসারিজ	ভর্তির সকল কার্যক্রম ০৮/০১/২০২২ খ্রিঃ থেকে শুরু করে ১২/০৩/২০২২খ্রিঃ তারিখের মধ্যে সম্পন্ন করতে হবে। তবে আসন শূন্যতা বিবেচনায় ভর্তির সময় বর্ধিত করা যাবে এবং তা অবশ্যই রেজিস্ট্রেশনের পূর্বে হতে হবে। বোর্ড কর্তৃক নির্ধারিত সময়ের মধ্যে রেজিস্ট্রেশনের কাজ সম্পন্ন করা হবে।	০২/০৪/২০২২ শনিবার
সরকারি ও বেসরকারি	এইচ.এস.সি (ভোকেশনাল) এইচ.এস.সি (বিজনেস ম্যানেজমেন্ট অ্যান্ড টেকনোলজি) ডিপ্লোমা-ইন-কমার্স	ভর্তির সকল কার্যক্রম ০৮/০১/২০২২ খ্রিঃ থেকে শুরু করে ১২/০৩/২০২২খ্রিঃ তারিখের মধ্যে সম্পন্ন করতে হবে। তবে আসন শূন্যতা বিবেচনায় ভর্তির সময় বর্ধিত করা যাবে এবং তা অবশ্যই রেজিস্ট্রেশনের পূর্বে হতে হবে। বোর্ড কর্তৃক নির্ধারিত সময়ের মধ্যে রেজিস্ট্রেশনের কাজ সম্পন্ন করা হবে।	০২/০৩/২০২২ বৃহস্পতিবার

-ফ

০২/০৩

8.0 ভর্তির আবেদনের পদ্ধতি (সকল শিক্ষাক্রমের ক্ষেত্রে) :

- 8.1 ভর্তির জন্য নির্ধারিত আবেদনপত্র অনলাইনের মাধ্যমে দাখিল করতে হবে। আবেদনের সময় সম্প্রতি তোলা (পরিস্কার রঙিন ছবি JPEG Format-এ, যা ১৫০ X ১২০ পিক্সেল আকারে এবং সাইজ অনধিক ৫০kb) ছবি আপলোড করতে হবে। আবেদনকারীর সঠিক ছবি আপলোডের বিষয়টি নিশ্চিত হতে হবে। ভর্তির জন্য নির্ধারিত আবেদন ফরম বাংলাদেশ কারিগরি শিক্ষা বোর্ডের ওয়েবসাইটে www.bteb.gov.bd এবং btebadmission.gov.bd বা সংশ্লিষ্ট প্রতিষ্ঠানে পাওয়া যাবে;
- 8.2 প্রার্থীকে আবেদনের নির্ধারিত স্থানে পছন্দ অনুযায়ী প্রতিষ্ঠান এবং টেকনোলজি/স্পেশালাইজেশন/ট্রেড সুনির্দিষ্টভাবে উল্লেখ করতে হবে। তবে যে কোন প্রতিষ্ঠান এবং যে কোন টেকনোলজি পছন্দ হিসেবে নির্বাচনের সুযোগ থাকলে তা নির্বাচন করা যাবে এবং দ্বিতীয় অপেক্ষমান ফলাফল প্রকাশের সময় যে কোন প্রতিষ্ঠান এবং যে কোন টেকনোলজি পছন্দক্রম বিষয়টি প্রয়োগ করা হবে;
- 8.3 এস.এস.সি সহ ০২ (দুই) বছর মেয়াদি ট্রেড কোর্সে উত্তীর্ণ প্রার্থীরাও আবেদন করতে পারবে। এস.এস.সি ও ট্রেড পরীক্ষায় প্রাপ্ত নম্বর/গ্রেড এর ভিত্তিতে প্রার্থী নির্বাচন ও ট্রেড সংশ্লিষ্ট টেকনোলজিতে ভর্তি করা হবে;
- 8.4 অনলাইনে আবেদনের ক্ষেত্রে প্রতি শিফটের জন্য ১৬০ (একশত ষাট) টাকা অনলাইন পেমেন্ট গেটওয়ে এর মাধ্যমে জমাদান সাপেক্ষে পছন্দক্রম অনুযায়ী এক বা একাধিক প্রতিষ্ঠানে সর্বোচ্চ ১৫ (পনের) টি টেকনোলজি/ট্রেড/স্পেশালাইজেশন এ আবেদন করা যাবে। অনলাইনে প্রতি শিফটের জন্য মাত্র একবারই আবেদন করা যাবে। তবে অতিরিক্ত পছন্দ হিসাবে যে কোন প্রতিষ্ঠান ও যে কোন বিষয় নির্বাচন করা যাবে;

৫.০ শিক্ষার্থী নির্বাচনে অনুসরণীয় পদ্ধতি :

- ৫.১ শিক্ষার্থী নির্বাচনে কোন ভর্তি পরীক্ষা অনুষ্ঠিত হবে না। কেবলমাত্র এস.এস.সি বা সমমান পরীক্ষার ফলাফলের ভিত্তিতে শিক্ষার্থী নির্বাচন করা হবে;
- ৫.২ এস.এস.সি পাসকৃত শিক্ষার্থীদের ক্ষেত্রে জিপিএ ৫.০০ প্রাপ্ত সকল বিষয়ের ওপর সর্বোচ্চ ৬৮ গ্রেড পয়েন্ট ধরে প্রাপ্ত জিপিএ এর ভিত্তিতে মেধাক্রম নির্ধারণ করতে হবে (১৪ বিষয়ের প্রতি বিষয়ে গ্রেড পয়েন্ট ৫ হিসেবে $১৪ \times ৫ = ৭০$ হওয়ার কথা। কিন্তু চতুর্থ বিষয়ে ২ পয়েন্ট বাদ দেয়ার কারণে সর্বোচ্চ পয়েন্ট ৬৮ উল্লেখ করা হয়েছে)। ২০১৬ সালে এস.এস.সি পাসকৃত শিক্ষার্থীদের ক্ষেত্রে জিপিএ-৫ প্রাপ্ত সকল বিষয়ের ওপর সর্বোচ্চ ৫৩ গ্রেড পয়েন্ট ধরে প্রাপ্ত জিপিএ এর ভিত্তিতে মেধাক্রম নির্ধারণ করতে হবে (১১ বিষয়ের প্রতি বিষয়ে গ্রেড পয়েন্ট ৫ হিসেবে $১১ \times ৫ = ৫৫$ হওয়ার কথা। কিন্তু চতুর্থ বিষয়ে ২ পয়েন্ট বাদ দেয়ার কারণে সর্বোচ্চ পয়েন্ট ৫৩ উল্লেখ করা হয়েছে)। ২০১৫ সালে এস.এস.সি পাসকৃত শিক্ষার্থীদের ক্ষেত্রে জিপিএ-৫ প্রাপ্ত সকল বিষয়ের ওপর সর্বোচ্চ ৪৮ গ্রেড পয়েন্ট ধরে প্রাপ্ত জিপিএ এর ভিত্তিতে মেধাক্রম নির্ধারণ করতে হবে (১০ বিষয়ের প্রতি বিষয়ে গ্রেড পয়েন্ট ৫ হিসেবে $১০ \times ৫ = ৫০$ হওয়ার কথা। কিন্তু চতুর্থ বিষয়ে ২ পয়েন্ট বাদ দেয়ার কারণে সর্বোচ্চ পয়েন্ট ৪৮ উল্লেখ করা হয়েছে)। এক্ষেত্রে ৬৮ পয়েন্ট ও ৫৩ পয়েন্ট কে ৪৮ পয়েন্টের সাথে সমতুল্য করে হিসাব করা হবে। সাধারণ শিক্ষা বোর্ডের পয়েন্ট, উন্মুক্ত বিশ্ববিদ্যালয়ের এস.এস.সির পয়েন্ট, মাদ্রাসা শিক্ষা বোর্ডের পয়েন্ট, কারিগরি শিক্ষা বোর্ডের পয়েন্ট এবং 'ও' লেভেলের পয়েন্ট সমতুল্য করে মেধাক্রম নির্ধারণ করা হবে। প্রচলিত গ্রেডিং পদ্ধতির ফলাফলের সঙ্গে পূর্বের প্রচলিত বিভাগ পদ্ধতির ফলাফল সমতাকরণ করে মেধাক্রম নির্ধারণ করা হবে;
- ৫.৩ ভর্তির ক্ষেত্রে সমান জিপিএ প্রাপ্তদের মেধাক্রম নির্ধারণের ক্ষেত্রে শর্তাবলি নিম্নরূপঃ
- ৫.৩.১ প্রথমে প্রাপ্ত জিপিএ এর ভিত্তিতে মেধা তালিকা করা হবে;
- ৫.৩.২ একই জিপিএ হলে সাধারণ গণিতের জিপিএ এর ভিত্তিতে মেধা তালিকা করা হবে;
- ৫.৩.৩ সাধারণ গণিতের জিপিএ একই হলে উচ্চতর গণিত/ বিজ্ঞানের সর্বোচ্চ জিপিএ এর ভিত্তিতে মেধা তালিকা করা হবে;
- ৫.৩.৪ উচ্চতর গণিত/ বিজ্ঞানের সর্বোচ্চ জিপিএ একই হলে ইংরেজি এর জিপিএ এর ভিত্তিতে মেধা তালিকা করা হবে;
- ৫.৩.৫ ইংরেজি এর জিপিএ একই হলে পদার্থ/রসায়ন এর সর্বোচ্চ জিপিএ এর ভিত্তিতে মেধা তালিকা করা হবে;
- ৫.৩.৬ পদার্থ/রসায়ন এর সর্বোচ্চ জিপিএ একই হলে মোট নম্বরের ভিত্তিতে মেধা তালিকা করা হবে;
- ৫.৩.৭ মোট নম্বর একই হলে সাধারণ গণিতের নম্বর এর ভিত্তিতে মেধা তালিকা করা হবে;
- ৫.৩.৮ সাধারণ গণিতের নম্বর একই হলে উচ্চতর গণিত/ বিজ্ঞানের সর্বোচ্চ নম্বর এর ভিত্তিতে মেধা তালিকা করা হবে;
- ৫.৩.৯ উচ্চতর গণিত/ বিজ্ঞানের সর্বোচ্চ নম্বর একই হলে ইংরেজি এর নম্বর এর ভিত্তিতে মেধা তালিকা করা হবে;
- ৫.৩.১০ ইংরেজি এর নম্বর একই হলে পদার্থ/রসায়ন এর সর্বোচ্চ নম্বর এর ভিত্তিতে মেধা তালিকা করা হবে;
- ৫.৩.১১ পদার্থ/রসায়ন এর সর্বোচ্চ নম্বর একই হলে জন্ম তারিখ ভিত্তিতে (যার বয়স বেশি) মেধা তালিকা করা হবে;
- ৫.৩.১২ জন্ম তারিখ একই হলে এসএসসি এর রেজিঃ নম্বর ভিত্তিতে (যার রেজিঃ নম্বর বেশি) মেধা তালিকা করা হবে;

- ফ. 

- ৫.৪ আবেদন ফরমে উল্লিখিত পছন্দের ভিত্তিতে এবং মেধা ও কোটার অনুসরণে প্রথম পর্বে/প্রথম বর্ষে ভর্তি করা হবে।
- ৬.০ এইচ.এস.সি (ভোকেশনাল) শিক্ষাক্রমে ভর্তির পদ্ধতি :
- ৬.১ ভর্তির জন্য নির্ধারিত আবেদনপত্র অনলাইনের মাধ্যমে দাখিল করতে হবে। আবেদনের সময় সম্প্রতি তোলা (পরিষ্কার রঙিন ছবি JPEG Format-এ, যা ১৫০ X ১২০ পিক্সেল আকারে এবং সাইজ অনধিক ৫০kb) ছবি আপলোড করতে হবে। আবেদনকারীর সঠিক ছবি আপলোডের বিষয়টি নিশ্চিত হতে হবে। ভর্তির জন্য নির্ধারিত আবেদন ফরম বাংলাদেশ কারিগরি শিক্ষা বোর্ডের ওয়েবসাইটে www.bteb.gov.bd এবং btebadmission.gov.bd বা সংশ্লিষ্ট প্রতিষ্ঠানে পাওয়া যাবে;
- ৬.২ অন-লাইনে আবেদনের ক্ষেত্রে ১৬০/- (একশত ষাট) টাকা অনলাইন পেমেন্ট গেটওয়ে এর মাধ্যমে প্রদান সাপেক্ষে পছন্দক্রম অনুযায়ী আবেদন করা যাবে;
- ৬.৩ এস.এস.সি(ভোকেশনাল)/দাখিল (ভোকেশনাল) শিক্ষাক্রমে প্রচলিত বিভিন্ন ট্রেডের উপর ভিত্তি করে এইচ.এস.সি (ভোকেশনাল) শিক্ষাক্রমের জন্য ক্লাস্টার (পরিশিষ্ট-১) অনুযায়ী সংশ্লিষ্ট ট্রেডে শিক্ষার্থী ভর্তি করা হবে।
- ৭.০ ভর্তির ক্ষেত্রে কোটা পদ্ধতি :
- ৭.১ ডিপ্লোমা-ইন-ইঞ্জিনিয়ারিং এর ক্ষেত্রে (সরকারি প্রতিষ্ঠানসমূহের জন্য):
- ৭.১.১ মুক্তিযোদ্ধার সন্তান/সন্তানের সন্তানদের জন্য ৫%, প্রতিবন্ধী প্রার্থীদের জন্য ৫% এবং এস.এস.সি (ভোকেশনাল) উত্তীর্ণ শিক্ষার্থীদের জন্য ১৫% এবং শিক্ষা মন্ত্রণালয়, কারিগরি শিক্ষা অধিদপ্তর, বাংলাদেশ কারিগরি শিক্ষা বোর্ড এবং স্ব স্ব শিক্ষা প্রতিষ্ঠানে কর্মরত শিক্ষক/ কর্মকর্তা/ কর্মচারীর সন্তানদের জন্য ২% আসনে মেধানুযায়ী (পছন্দক্রমে) শিক্ষার্থী ভর্তি করা যাবে;
- ৭.১.২ ক্ষুদ্র নৃ-গোষ্ঠী প্রার্থীদের ক্ষেত্রে তাদের মেধা এবং পছন্দ অনুযায়ী টেকনোলজি/ট্রেড বন্টন করতে হবে। এস.এস.সি ও ট্রেড পরীক্ষায় প্রাপ্ত নম্বর/গ্রেড এর ভিত্তিতে প্রার্থী নির্বাচন ও ট্রেড সংশ্লিষ্ট টেকনোলজিতে ভর্তি করা হবে;
- ৭.১.৩ কারিগরি শিক্ষা অধিদপ্তরধীন প্রতিষ্ঠানসমূহে মেয়েদের ২০% কোটা সংরক্ষিত থাকবে। তবে শর্ত থাকে যে, যোগ্য ছাত্রী না পাওয়া গেলে তা ছাত্রদের দিয়ে পূরণ করা যাবে (শিক্ষা মন্ত্রণালয়ের পত্র সূত্র নং-শাঃ১৫/TVET Project ৭-২/২০১০-১৪৩ তারিখঃ ২৮/০৪/২০১৪) এবং অন্যান্য সরকারি প্রতিষ্ঠানসমূহে সরকার কর্তৃক সংরক্ষিত মহিলা ১০%, ক্ষুদ্র নৃ-গোষ্ঠীর জন্য টাকা, চট্টগ্রাম, কাপ্তাই পলিটেকনিক ইন্সটিটিউটে প্রতিটিতে ০৪ (চার) টি করে আসন ও অন্যান্য ইন্সটিটিউটে ০২ (দুই) টি (মেরিন ইন্সটিটিউটে প্রতিটি গ্রুপে ০১ টি) করে আসন সংরক্ষিত থাকবে;
- ৭.১.৪ এস.এস.সি সহ ০২ (দুই) বছর মেয়াদি ট্রেড কোর্সে উত্তীর্ণ প্রার্থীদের ক্ষেত্রে ৫% আসন সংরক্ষিত থাকবে। তবে শর্ত থাকে যে, যোগ্য আবেদনকারী না পাওয়া গেলে তা মেধা তালিকা থেকে তা পূরণ করা যাবে।
- ৭.২ ডিপ্লোমা-ইন-এগ্রিকালচার, ডিপ্লোমা-ইন-ফিসারিজ, ডিপ্লোমা-ইন-ফরেস্ট্রি ও ডিপ্লোমা-ইন-লাইভস্টক এর ক্ষেত্রে (সরকারি প্রতিষ্ঠানসমূহের জন্য) :
- ৭.২.১ প্রার্থীদেরকে ১ম পর্বে মেধা ও কোটা ভিত্তিতে শিক্ষার্থী ভর্তি করা হবে। তবে ভর্তির সময় মূল নম্বরপত্র/ট্রান্সক্রিপ্ট শিক্ষা প্রতিষ্ঠানে জমা দিতে হবে;
- ৭.২.২ এস.এস.সি বা সমমান পরীক্ষায় প্রাপ্ত নম্বরের মেধার ভিত্তিতে সকল জেলাসমূহ থেকে ভর্তির জন্য প্রার্থী বাছাই করা হবে। সাধারণ মেধা তালিকা প্রণয়নকালে ক্ষুদ্র নৃ-গোষ্ঠী, পুরুষ ও মহিলা নির্বিশেষে মেধা বিবেচনা করা হবে;
- ৭.২.৩ ডিপ্লোমা-ইন-এগ্রিকালচার, ডিপ্লোমা-ইন-ফিসারিজ, ডিপ্লোমা-ইন-ফরেস্ট্রি ও ডিপ্লোমা-ইন-লাইভস্টক এর ক্ষেত্রে সরকার নির্ধারিত ভর্তি সংক্রান্ত সকল কোটা যথাযথভাবে অনুসরণ করতে হবে;
- ৭.৩ ডিপ্লোমা-ইন-টেক্সটাইল ইঞ্জিনিয়ারিং এর ক্ষেত্রে (সরকারি প্রতিষ্ঠানসমূহের জন্য) :

-৪-

৬

৭.৩.১ সরকারি প্রতিষ্ঠানসমূহে মহিলাদের জন্য ১০% আসন, ক্ষুদ্র নৃ-গোষ্ঠীর জন্য প্রতিটি ইপিটিটিউটে ০২ (দুই) টি করে আসন মুক্তিযোদ্ধার সন্তান/সন্তানের সন্তানদের জন্য ৫% আসন, বস্ত্র অধিদপ্তর নিয়ন্ত্রিত টেক্সটাইল ভোকেশনাল প্রতিষ্ঠান হতে এস.এস.সি (ভোকেশনাল) উত্তীর্ণ শিক্ষার্থীদের জন্য ৩০% আসন সংরক্ষিত থাকবে এবং উক্ত আসনে মেধানুযায়ী আবেদন ফরমে বর্ণিত পছন্দের ভিত্তিতে টেকনোলজি বন্টন করতে হবে।

৮.০ ভর্তি, অর্থ ও বাজেট ব্যবস্থাপনা :

- ৮.১ ০৪ (চার) বছর মেয়াদি ডিপ্লোমা-ইন-ইঞ্জিনিয়ারিং, ডিপ্লোমা-ইন-টেক্সটাইল ইঞ্জিনিয়ারিং, ডিপ্লোমা-ইন-এগ্রিকালচার, ডিপ্লোমা-ইন-ফরেস্ট্রি, ডিপ্লোমা-ইন-ফিশারিজ, ডিপ্লোমা-ইন-লাইভস্টক এবং ০২ (দুই) বছর মেয়াদি এইচ.এস.সি (বিজনেস ম্যানেজমেন্ট অ্যান্ড টেকনোলজি), এইচ.এস.সি (ভোকেশনাল), ডিপ্লোমা-ইন-কমার্স ও সার্টিফিকেট-ইন-মেরিন ট্রেড শিক্ষাক্রমের সরকারি/বেসরকারি প্রতিষ্ঠানসমূহের ভর্তি কার্যক্রম ও ব্যবস্থাপনার ক্ষেত্রে বাংলাদেশ কারিগরি শিক্ষা বোর্ড সার্বিক সমন্বয় সাধন করবে;
- ৮.১ সরকারি/বেসরকারি প্রতিষ্ঠানসমূহে ভর্তি কার্যক্রম পরিচালনা ও সমন্বয়ের জন্য বাংলাদেশ কারিগরি শিক্ষা বোর্ড একটি কমিটি গঠন করবে;
- ৮.২ গঠিত কমিটি ভর্তি কার্যক্রম পরিচালনার বিষয়ে প্রয়োজনীয় অর্থ ও বাজেট ব্যবস্থাপনা ও ব্যয় নির্বাহ এর বিষয়ে সুপারিশ করবে;
- ৮.৩ ভর্তি কার্যক্রম সুষ্ঠুভাবে সম্পন্ন করার জন্য কারিগরি শিক্ষা বোর্ড প্রয়োজনীয় উপকমিটি গঠন করতে পারবে;
- ৮.৪ কোটা সংক্রান্ত কার্যক্রম সম্পাদনের লক্ষ্যে ০১ (এক) টি কমিটি থাকবে।
- ৮.৫ ভর্তি কার্যক্রম পরিচালনায় তাৎক্ষণিক কোনরূপ সিদ্ধান্তের ক্ষেত্রে বাংলাদেশ কারিগরি শিক্ষা বোর্ড সংশ্লিষ্ট প্রশাসনিক মন্ত্রণালয়ের সঙ্গে আলোচনাক্রমে প্রয়োজনীয় ব্যবস্থা গ্রহণ করবে;

৯.০ ভর্তি সংক্রান্ত প্রশাসনিক কার্যক্রম :

- ৯.১ মুক্তিযোদ্ধা সন্তান/সন্তানের সন্তানদের শনাক্তকরণের জন্য মুক্তিযোদ্ধা বিষয়ক মন্ত্রণালয় হতে এবং প্রতিবেদীদের ক্ষেত্রে সমাজসেবা অধিদপ্তর হতে প্রদত্ত সনদপত্র দাখিল করতে হবে;
- ৯.২ ক্ষুদ্র ও নৃ-গোষ্ঠী প্রার্থীদের প্রমাণের জন্য সংশ্লিষ্ট জেলা প্রশাসক/ইউনিয়ন পরিষদ/ পৌরসভা কর্তৃক প্রদত্ত সনদপত্র জমা দিতে হবে;
- ৯.৩ সরকার নির্ধারিত সকল কোটায় প্রচলিত বিধি অনুযায়ী ভর্তির পর কোন আসন শূন্য থাকলে তা সাধারণ মেধা তালিকা হতে পূরণ করা যাবে;
- ৯.৪ ভর্তির সময় সকল প্রার্থীকে তাদের এস.এস.সি/ সমমান পরীক্ষা পাশের প্রমাণক হিসেবে বোর্ড হতে প্রদত্ত মূল নম্বরপত্র/ ট্রান্সক্রিপ্ট সংশ্লিষ্ট শিক্ষা প্রতিষ্ঠানে জমা দিতে হবে এবং নিবন্ধনভুক্তির সময় হার্ড কপি সাথে মূল নম্বরপত্র/ ট্রান্সক্রিপ্ট বোর্ডে জমা প্রদান করতে হবে এবং শিক্ষাক্রমের সর্বশেষ পরীক্ষা পর্যন্ত উল্লিখিত মূল নম্বরপত্র/ ট্রান্সক্রিপ্ট সংশ্লিষ্ট শিক্ষা প্রতিষ্ঠানে জমা থাকবে। এ সময়ের মধ্যে কোন প্রার্থী উক্ত নম্বরপত্র/ ট্রান্সক্রিপ্ট ফেরত চাইলে প্রতিষ্ঠান তার ভর্তি বাতিল করে তা ফেরত দিতে পারবে। এস.এস.সি/ সমমান পরীক্ষা পাশের প্রমাণক হিসেবে বোর্ড হতে প্রদত্ত মূল নম্বরপত্র/ ট্রান্সক্রিপ্ট জমা নেওয়া ব্যতীত কোন শিক্ষার্থীকে ভর্তি করানো যাবে না;
- ৯.৫ ভর্তিকৃত কোন শিক্ষার্থী ক্লাস শুরুর ০৭ (সাত) কার্যদিবসের মধ্যে ক্লাসে যোগদান করতে ব্যর্থ হলে তার ভর্তি বাতিল বলে গণ্য হবে। উক্ত শূন্য আসনসহ মোট খালি আসনে পরবর্তী ১০ (দশ) দিনের মধ্যে অপেক্ষমান তালিকা হতে মেধা ও পছন্দ ক্রমানুসারে পূরণের ব্যবস্থা করা যাবে। এক্ষেত্রে অপেক্ষমান তালিকা হতে সর্বোচ্চ তিন স্তরে মেধাক্রম অনুযায়ী ভাগ করে ০২ (দুই) দিন পর পর আগে পছন্দ নির্বাচন করা সাপেক্ষে আগে ভর্তির সুযোগ প্রদান করা হবে। ভর্তিকৃত শিক্ষার্থীর ক্লাস শুরুর ০৭ (সাত) কার্যদিবসের মধ্যে ক্লাসে অংশগ্রহণকারী শিক্ষার্থীদের ভর্তির আবেদনে সংযোজিত ছবি ও শিক্ষার্থীর সাথে মিলিয়ে নিতে হবে। এক্ষেত্রে কোন অসামঞ্জস্যতা পরিলক্ষিত হলে ক্লাস শুরুর ০৭ (সাত) কার্যদিবসের মধ্যে বোর্ড কর্তৃক প্রদেয় অনলাইন ইন্টারফেসের মাধ্যমে সংশোধন করতে হবে। পরবর্তীতে ছবি সংশোধনের কোন সুযোগ থাকবে না। এছাড়া শিক্ষার্থী একাধিক শিক্ষাক্রমে/ পূর্বে অন্য কোথাও অধ্যয়নরত থাকলে তা ক্লাস শুরুর ৪র্থ সপ্তাহের মধ্যেই বাতিল করতে হবে। অন্যথায় রেজিস্ট্রেশনের সুযোগ থাকবে না;
- ৯.৬ ডিপ্লোমা প্রথম পর্বে প্রতি গ্রুপ ও প্রতি টেকনোলজিতে ৫০ জন (ডেপআউটসহ) শিক্ষার্থী ভর্তি করা যাবে। প্রতি টেকনোলজিতে ন্যূনতম ১০ জন শিক্ষার্থী থাকা সাপেক্ষে রেজিস্ট্রেশন প্রদান করা হবে;

ফ

- ৯.৭ এইচ.এস.সি (ভোকেশনাল)/এইচ.এস.সি (বিজনেস ম্যানেজমেন্ট অ্যান্ড টেকনোলজি)/ ডিপ্লোমা-ইন-কমার্স প্রতি পর্বে প্রতি ট্রেডে/স্পেশালাইজেশন এ ৫০ জন (ড্রপআউটসহ) শিক্ষার্থী ভর্তি করা যাবে। প্রতি ট্রেডে/স্পেশালাইজেশন এ ন্যূনতম ২০ জন শিক্ষার্থী থাকা সাপেক্ষে রেজিস্ট্রেশন প্রদান করা হবে;
- ৯.৮ শিক্ষা প্রতিষ্ঠানে ভর্তি হওয়ার সময় শিক্ষার্থীকে বাংলাদেশ কারিগরি শিক্ষা বোর্ড নির্ধারিত নিবন্ধন ফি প্রদান করতে হবে। ক্লাস আরম্ভের তারিখ হতে ৪৫ দিনের মধ্যে অন-লাইন নিবন্ধন কার্যক্রম সম্পন্ন করতে হবে;
- ৯.৯ ভর্তি নীতিমালা-২০২১ এর আলোকে বাংলাদেশ কারিগরি শিক্ষা বোর্ড প্রয়োজনীয় ভর্তি নির্দেশিকা জারি করবে;
- ৯.১০ বেসরকারি হতে সরকারি প্রতিষ্ঠানে অথবা সরকারি প্রতিষ্ঠান হতে বেসরকারি প্রতিষ্ঠানে বদলি হতে পারবেনা;
- ৯.১১ বাংলাদেশ সরকারের বিদেশি ছাত্র ভর্তি নীতিমালা অনুসরণপূর্বক এবং যে কোন প্রতিষ্ঠান ন্যূনতম ০৫ জন বিদেশি শিক্ষার্থী ভর্তি হওয়া সাপেক্ষে বোর্ড কর্তৃক অনুমতি দেওয়া যেতে পারে;
- ৯.১২ 'ও' লেভেল হতে উত্তীর্ণ শিক্ষার্থীদের নম্বরপত্র/সনদপত্র ঢাকা শিক্ষা বোর্ড হতে এস.এস.সি এর সমমান করে মেধাক্রম অনুসারে ভর্তি সুযোগ দেওয়া হবে।

১০.০ ভর্তি ও ফি :

১০.১ নিশ্চায়নের ক্ষেত্রে ফি :

১০.১.১ ডিপ্লোমা পর্যায়ের শিক্ষার্থীদের নিশ্চায়নের ক্ষেত্রে নিম্নোক্ত হারে ফি প্রযোজ্য হবে (সরকারি পলিটেকনিক ইনস্টিটিউটসমূহ ব্যতিত):

ক্রমিক নং	বিবরণ	টাকা	মন্তব্য
১.	রেজিস্ট্রেশন ফি	২০০/-	বোর্ডের প্রাপ্য
২.	রোভার স্কাউট ফি	১৫/-	
৩.	রেডক্রিসেন্ট ফি	২০/-	
মোট=		২৩৫/-	

সকল সরকারি ও বেসরকারি প্রতিষ্ঠানসমূহে ভর্তির জন্য ২৩৫/- (দুইশত পয়ত্রিশ) টাকা+অনলাইন পেমেন্ট চার্জ ৩.০০/- (তিন) টাকা মোট (২৩৫+৩)= ২৩৮/- (দুইশত আটত্রিশ) টাকা প্রদানপূর্বক ভর্তি নিশ্চায়ন করতে হবে। ভর্তি নিশ্চায়ন না করলে ভর্তির আর কোন সুযোগ থাকবে না।

১০.১.২ ডিপ্লোমা পর্যায়ের সরকারি পলিটেকনিক ইনস্টিটিউটসমূহের শিক্ষার্থীদের নিশ্চায়নের ক্ষেত্রে নিম্নোক্ত হারে ফি প্রযোজ্য হবে:

সরকারি পলিটেকনিক ইনস্টিটিউটসমূহের শিক্ষার্থীদের ৩৮৫/- (তিনশত পঁচাত্তর) টাকা প্রদানপূর্বক ভর্তি নিশ্চায়ন করতে হবে। ভর্তি নিশ্চায়ন না করলে ভর্তির আর কোন সুযোগ থাকবে না;

১০.১.৩ এইচ.এস.সি/সমমান পর্যায়ের শিক্ষার্থীর নিশ্চায়নের ক্ষেত্রে নিম্নোক্ত হারে ফি প্রযোজ্য হবে:

ক্রমিক নং	বিবরণ	টাকা	মন্তব্য
১.	রেজিস্ট্রেশন ফি	১২০/-	বোর্ডের প্রাপ্য
২.	ফ্রীড়া ফি	৩০/-	
৩.	রোভার/রেঞ্জার ফি	১৫/-	
৪.	রেডক্রিসেন্ট ফি	২০/-	
৫.	বিজ্ঞান ও প্রযুক্তি ফি	০৭/-	
মোট=		১৯২/-	

১৯২/- (একশত বিরানব্বই) টাকা+অনলাইন পেমেন্ট চার্জ ৩.০০/- (তিন) টাকা মোট (১৯২+৩)=১৯৫/- (একশত পঁচানব্বই) টাকা প্রদানপূর্বক ভর্তি নিশ্চায়ন করতে হবে।

১০.২ ভর্তির ক্ষেত্রে ফি (বেসরকারি প্রতিষ্ঠানসমূহের জন্য):

১০.২.১ সেশন চার্জসহ ভর্তি ফি সর্বসাকুল্যে মফস্বল/পৌর (উপজেলা) এলাকায় ১,০০০/- (এক হাজার) টাকা, পৌর (জেলা সদর) এলাকায় ২,০০০/- (দুই হাজার) টাকা/ঢাকা ব্যতিত অন্যান্য মেট্রোপলিটন এলাকায় ৩০০০/- (তিন হাজার) টাকার বেশি হবে না;

১০.২.২ ঢাকা মেট্রোপলিটন এলাকায় অবস্থিত এমপিওভুক্ত শিক্ষা প্রতিষ্ঠানসমূহে শিক্ষার্থী ভর্তির ক্ষেত্রে ৫,০০০/- (পাঁচ হাজার) টাকার অতিরিক্ত অর্থ আদায় করতে পারবে না। ঢাকা মেট্রোপলিটন এলাকায়

ফ.

১০/১০

অবস্থিত আংশিক এমপিওভুক্ত শিক্ষা প্রতিষ্ঠানের উন্নয়ন এবং এমপিও বহির্ভূত শিক্ষকদের বেতন ও ভাতা প্রদানের জন্য শিক্ষার্থী ভর্তির সময় মাসিক বেতন, সেশন চার্জ ও উন্নয়ন ফিসহ বাংলা মাধ্যমে ৯,০০০/- (নয় হাজার) টাকা এবং ইংরেজি ভাষনে সর্বোচ্চ ১০,০০০/- (দশ হাজার) টাকা গ্রহণ করতে পারবে। উন্নয়ন খাতে কোন প্রতিষ্ঠান ৩,০০০/- (তিন হাজার) টাকার বেশি আদায় করতে পারবে না;

- ১০.২.৩ দরিদ্র, মেধাবী ও প্রতিবন্ধী শিক্ষার্থী ভর্তিতে সংশ্লিষ্ট শিক্ষা প্রতিষ্ঠানসমূহ উল্লিখিত ফি যতদূর সম্ভব মওকুফের প্রয়োজনীয় ব্যবস্থা গ্রহণ করবে;
- ১০.২.৪ রেজিস্ট্রেশন ফি এবং অন্যান্য আনুষঙ্গিক ফি এর সমুদয় অর্থ ভর্তির আবেদনের পর নিশ্চায়নের সময় পরিশোধযোগ্য।

১১.০ ভর্তির বিষয়ে প্রচার কার্যক্রম :

- ১১.১ ভর্তি কার্যক্রমের প্রচারের নিমিত্ত রেডিওতে প্রচার, টেলিভিশনে স্ক্রল ফিলার প্রচার ও টেলিভিশন টকশো আয়োজন, নগরীর গুরুত্বপূর্ণ স্থানে বিলবোর্ড স্থাপন, স্থানীয় কেবল নেটওয়ার্কে প্রচার, স্থানীয় দৈনিক পত্রিকায় বিজ্ঞাপন, পোস্টার/লিফলেট/স্টীকার বিতরণ এবং সংশ্লিষ্ট এলাকায় ব্যাপক মাইকিং এর ব্যবস্থা গ্রহণ করতে হবে;
- ১১.২ প্রতিষ্ঠান প্রধানগণ সংশ্লিষ্ট জেলা প্রশাসনের মাসিক সমন্বয় সভায় যোগদান করে কারিগরি শিক্ষায় ভর্তি নিশ্চিতকরণে সংশ্লিষ্ট সকলের সহযোগিতা কামনা করবেন;
- ১১.৩ বাংলাদেশ কারিগরি শিক্ষা বোর্ড কেন্দ্রীয়ভাবে ভর্তির প্রচারণা চালাবে;
- ১১.৪ প্রচারণা সংক্রান্ত একটি কমিটি গঠন করে প্রচারণা কার্যক্রম পরিচালনা করা হবে।

১২.০ নীতিমালার কার্যকারিতা ও প্রশাসনিক ব্যবস্থা :

- ১২.১ দেশের সকল সরকারি ও বেসরকারি কারিগরি ও বৃত্তিমূলক শিক্ষা প্রতিষ্ঠানে বর্ণিত শিক্ষাক্রমে ২০২১-২০২২ শিক্ষাবর্ষে শিক্ষার্থী ভর্তির ক্ষেত্রে এ নীতিমালা প্রযোজ্য হবে;
- ১২.২ ডিপ্লোমা-ইন-ইঞ্জিনিয়ারিং, ডিপ্লোমা-ইন-টেকনোলজি ও এইচ.এস.সি (বিজনেস ম্যানেজমেন্ট অ্যান্ড টেকনোলজি) শিক্ষাক্রমে ২০২১-২০২২ শিক্ষাবর্ষে ভর্তিকৃত শিক্ষার্থীদের ক্ষেত্রে সংশ্লিষ্ট শিক্ষাক্রমের প্রবিধান-২০২২ প্রযোজ্য হবে। এছাড়া ডিপ্লোমা-ইন-ইঞ্জিনিয়ারিং শিক্ষাক্রমের ইমার্জিং টেকনোলজিতে ভর্তিকৃত শিক্ষার্থীদের কারিগরি ও মাদ্রাসা শিক্ষা বিভাগের সারক নং ৫৭.০০.০০০.০৫৩.৯৯.০০৫.২১-১৬৯ তারিখঃ ১৩ জুন, ২০২১ খ্রি. অনুসারে (পরিশিষ্ট-২) অ্যালাইড টেকনোলজির আওতায় সংশ্লিষ্ট ইমার্জিং টেকনোলজিকে মূল টেকনোলজির সমতুল্যতা আকারে সনদ প্রদান করা হবে;
- ১২.৩ শিক্ষার্থী ভর্তির ক্ষেত্রে এ নীতিমালার কোনরূপ ব্যত্যয় ঘটানো হলে বেসরকারি কারিগরি শিক্ষা প্রতিষ্ঠানের ক্ষেত্রে পাঠদানের অনুমতি বা স্বীকৃতি বাতিলসহ প্রতিষ্ঠানটির এম.পি.ও.ভুক্তি বাতিল করা হবে;
- ১২.৪ সরকারি কারিগরি প্রতিষ্ঠানের ক্ষেত্রে এ নীতিমালায় কোনরূপ ব্যত্যয় ঘটানো হলে সংশ্লিষ্টদের বিরুদ্ধে বিধি মোতাবেক ব্যবস্থা নেয়া হবে।

১৩.০ ভর্তি সংক্রান্ত অন্যান্য তথ্যাবলি :

- ১৩.১ ২০২১-২০২২ শিক্ষাবর্ষে ভর্তি সংক্রান্ত যাবতীয় তথ্যাবলী বাংলাদেশ কারিগরি শিক্ষা বোর্ডের ওয়েবসাইটে www.bteb.gov.bd এবং www.btebadmission.gov.bd এবং সংশ্লিষ্ট কারিগরি ও মাদ্রাসা শিক্ষা বিভাগের/অধিদপ্তর/পরিদপ্তর/ প্রতিষ্ঠানের ওয়েবসাইট হতে সংগ্রহ করা যাবে;
- ১৩.২ ২০২১-২০২২ শিক্ষাবর্ষ হতে বাংলাদেশ কারিগরি শিক্ষা বোর্ড অনুমোদিত বর্ণিত শিক্ষাক্রমের ভর্তি কার্যক্রম শুধুমাত্র অনলাইনে এবং শিক্ষার্থীদের এস.এস.সি বা সমমানের পরীক্ষায় প্রাপ্ত জিপিএ এর ভিত্তিতে সম্পন্ন করা হবে;
- ১৩.৩ ভর্তি সংক্রান্ত নীতিমালার আলোকে সংশ্লিষ্ট প্রশাসনিক মন্ত্রণালয় প্রয়োজনীয় পরিপত্র জারি করবে।

(মো. আমিনুল ইসলাম খান)

সচিব

কারিগরি ও মাদ্রাসা শিক্ষা বিভাগ
শিক্ষা মন্ত্রণালয়, ঢাকা।